


理訕堂集

國

序



黃岡杜

濬 茶村

詩之難無體不然而五言古七言律爲最蓋五言  
古詩之源也人每畏其難而不爲七言律詩之委  
也人又不知其難而妄爲妄爲者始終不知其難  
則七言律遂絕矣不爲者猶知畏難則五言古尚  
可爲也爲之有道貴勿守瞽說李于鱗云唐無五  
言古詩此瞽說也此說出而皮毛以爲漢魏飮餽  
六朝真氣索然使人生厭則是七言律之絕

如言教之鬼而五言古之存如黎丘之鬼耳何足  
觀乎夫唐人爲此體他不具論姑舉其尤者少陵  
學漢魏而變化于漢魏柳州學三謝而變化于三  
謝左司學淵明而變化于淵明此其所以獨妙歟  
吾代李空同學杜而不好其五言古不識其變化  
漢魏也高叔嗣學韋而僅得其形似不識其變化  
柴桑也噫難言哉喬子孚五示余以其所爲詩他  
體皆清麗可喜而余尤異其爲五言古詩多于今

體蕭遠閒澹按之而深可謂善學左司者此今人  
之所不講恐亦無絲而知也余故發揮之如此至  
于喬子脫屣諸生有志於古而思齊魯之一變以  
幾于道其結念豈僅與左司等者吾必其詩之傳  
也信然矣

叙

寧都魏

禧

冰叔

喬子孚五以豪宕名於江北好友重氣誼工詩其  
詩雄邁有曹孟德老驥伏櫪之槩可以想其才氣  
所用故南北士交孚五又莫不畏孚五之才也孚  
五不修細行志氣高濶劉希樂家無甌石而一擲  
萬金不以介意予每想像其人於孚五庶幾遇之  
往余客揚州訪孚五天寧寺中小飲堦墀時秋深  
霜濃千年之杏紅黃紛綴落葉滿衣孚五方困甚

旅爨不然而飲酒譚詩名輩滿座孚五岸然無羈  
愁之色余因思劉豫州答許汜語元龍湖海士君  
求田問舍言無可采夫坐談之客論議縱橫其言  
都若可聽試之於用則畫地作餅耳汜爲當世名  
士何至言不足采如此豈非田舍情重沈錮於利  
欲雖空言亦無當耶嗟乎吾安得湖海士數輩如  
孚五者坐而與之論詩哉

序

闕里孔尚任

東塘

廣陵喬子東湖世稱爲隱君子或謂子必當識之  
或難其辭謂識不識未可必姑留意焉及予數過  
廣陵踪跡莫得得其詩讀之纏綿悽惻多深情遠  
識之作非僅矯世鳴高如巢許沮溺格格示人以  
不廣者嘗考古隱者之流雖不以文辭表見而微  
言眇義無端發爲浩歎形於歌謠蓋直諫不得而  
變爲冷諷冷諷不得而託之慷慨單詞片語往往

玉言堂集  
爲獨行自好者所傳誦也予旣已讀喬子詩而欲  
識喬子益切丁卯八月始遇於廣陵舟中觀其辭  
貌以證其性情縱談文藝以窺其學術固彬彬足  
以有用於世而爲世之賢豪也乃世之人稱爲隱  
君子實不足以知喬子矣又何足以論喬子之詩  
乎近者日相親接得覽其全乃知士之傷懷遲暮  
者委曲反覆比於幽蘭芳芷以寫其姱修孤潔之  
意冀得一遇其人故凡登涉山川觀覽草木值烟

嵐變幻之奇卽微吟長嘯情見乎辭此楚騷之所  
以上接乎三百而喬子之詩所以遠追乎楚騷者  
歟豈若世所稱隱君子無關於風旨升降之數但  
以單辭片語與一二獨行自好者傳誦標榜遂名  
爲能詩也哉



序

江都史

炤燭九

凡人之無可必傳也君子患之患其狃於尋常而薄待其身也於是專一其心思而精其業冀其有以傳也日進而不已故倫之紙章之瓷珽珪之墨皆因物以傳者也當其糅物以成器用必竭其力而攻治之於是因物以傳君子能精其業而物復因之以傳也雖山川疆場天地之鍾秀王室之版輿猶有因於人以傳者醫藥方技也而扁鵲號其

理誠堂集  
城善釀賤役也而烏程名其縣冶鑄百工也而干  
將表其山至於賢者之所經營學士之所流連獨  
行自好者之所寄跡則雖培塿污澤遐陬荒谷猶  
且以人而傳也君子知其然不敢薄待其身思有  
以自見顯之立功名垂之竹帛藏之則著爲詩歌  
文辭要有以可傳而巳當夫專一其心思而爲之  
也遺之以寵榮而不屑迫之以饑寒而不顧危之  
以利害而不怵孜孜焉愛日而恐日昃也故九辨

九章說難孤憤不得志於時必精於詩歌文辭以  
冀得其傳焉向使舍其九辨九章說難孤憤則原  
爲愚忠非一匹夫已耳烏能傳於世如斯久遠也  
喬子東湖知其然以爲諸生所習朝求新異暮復  
更改勞瘁其精神不足驗其學術而徵其性情其  
實敝於無所用消滅漸盡不可以傳乃退而究心  
於天人民物之故充其識見證之當今之務宣之  
以風詩而寄其所蘊蓄其傳之久遠無疑也其初

棄諸生專志砥礪以邃其所學人莫不從其後而  
議之謂其舍寵榮而就饑寒舍利而就害然使東  
湖僕僕於諸生之中得志顯榮矣而學不日進與  
狃於尋常而薄待其身者無以異今輯其近詩並  
舊刻所存之什三分次其體得詩千有餘首炤取  
而讀之或淡悉乎近寓意于遠眷懷而不釋或憂  
患驚濤夢寐之所虞絕壑窮巘耳目之所駭往往  
形之於篇什則東湖所歷郡縣山澤將因東湖以  
傳乎抑東湖有藉於是而傳乎其將待此而傳也  
則東湖可以無患其不傳其不僅待此而傳也則  
吾俟之也

理詠堂集總目

卷之一

五言古詩

卷之二

七言古詩

卷之三

五言律詩

卷之四

七言律詩

卷之五

五言排律

五言絕句

七言絕句

自記四則

漢魏之有樂府也本以被之管弦後世作者雖格調相似不知果能無失音律否少陵不擬古樂府自是千載特識寅所爲詩間或用樂府體格則錄入五七言古詩中不更標列異體寅何師乎我則竊比於少陵矣

寅爲詩間書之片紙投之敝篋或寄篇籍帙頁中往往放軼戊寅長夏檢拾斷簡隨行抄錄都爲一

理言堂集  
編以故前後錯綜不能以時日詮次然由詞意而  
徵歲月或可稽也覽者鑒之

曩所刻碧瀾堂一冊鏤版寄存吳門山寺失之矣  
然所刻盡少年時作多不堪以請質同志其有登  
臨遊覽之地與夫友朋聚散撫今追昔之感多不  
能忘今存其十之三四於各體之後附之所謂予  
年五十始知四十九年之非不已晚乎

詩必有爲而後作苟無關於風人之旨比興之遺  
不作可也近世交遊投贈歲時讌會拈韻分賦若  
羔雁樽俎不可少缺連篇累牘不勝覆瓿之需今  
寅斯稿頗知俗累不克脫離此病極力掃除焚棄  
然酬贈之什猶有存焉舒冊展卷啞然自笑大雅  
君子哂之宜矣 東湖喬寅識

理詠堂集卷之一

目錄

五言古體詩

思晨

大堤曲

東門行

送春

觀蒔秧

喜雨

苦寒懷王歙州

光福看梅贈姜奉世

同子遠宿一指窩

支硎中峯

千尺雪

法螺菴

德公積舍古梅

華山寺

題姜勉中思嗜軒

寄施愚山先生

山樓遣意

天池

子粲學在招遊洞庭

吳門春日感興五首

毘陵舟夜

廣陵送濟上歸秦郵

送黃書思之燕

銷夏

寒夜吟  
感懷三首

示兩兒三首  
元夕獨坐

寄所知  
贈陸懸圃四首

題雲堂圖  
寒晚重過左嚴齋中

喜晴  
發楊子

贈李子鵠  
針魚嘴阻風

岑山贈嶼隱上人  
由桃花源至白龍潭

溫泉  
雨宿慈光寺二首

山樓雨望  
蓮花峯觀雲海

由小心坡至文殊院  
光明頂晚眺

煉丹臺  
西海門

登始信峯  
雲谷

九龍潭  
別慈光半公

將還新安遇雨大師  
示鑿石取松者

別黃山  
夏夜歎

遊黃山歸呈夏宛來  
白嶽道中

古寺

贈丁雁水臬司

孔東塘寓亭看梅  
和似菴嫁鷄詩

聽俞吉雲彈琴  
曉參堂納涼

送汪左嚴之任廬州  
悽惻行

揚關詩為許朔方作  
留別孔翊宸上公

登嶧山懷牖民西銘  
郊居

寄懷孔宏輿博士  
侍家君鄧尉探梅

青芝山看梅憶前民  
咏史二首

送葉桐初歸婁東  
碧雲精舍月夜

登大悲閣  
古意

湖村阻風  
憂來

宿修上人房  
劉伶臺

雲梯關  
海湧峯雪望

雲巖雪霽和慧公  
同李大村在園納涼

吳門留別二首  
暮歸天寧寺

雜感十首

茗溪苦雨



王徵宣招飲蓮華莊  
建溪舟中

曉發大楓嶺  
夾口

次溫陵  
桃溪田家五首

洛陽江上呈何明府  
錦亭

秋夕過談榕雪先輩  
靈巖寺

東淘西勝即目  
穹窿山

太湖晚望  
慧公山樓二首

虎丘宴集  
初冬郊行

蜀岡晚望  
淮村臥病二首

靜夜  
淘上春日漫興

文遊臺同鏡月先生  
發東淘

贈所知  
北郊閒眺

證聖寺後園  
孤鴻

夙昔  
京口

踽踽行  
憶湖村二首

雨中聞粵警  
三韻三首

理詠堂集卷之一

廣陵喬寅東湖著  
一字孚五

五言古體

思晨

長夜不可旦義馭行何遲  
喔伊天鷄鳴陰雲復蔽  
之魑魅利昏黑康莊成嶮巖  
我欲蹈南山南山多  
虎罷我欲浮東海東海多蛟螭  
寒灰有時然堅冰  
有時泮愁腸獨不舒  
日夜車輪轉

大堤曲

盈盈大堤女笑靨時時開天明故人去日暮新人  
來春心不自持密意傳金疊舊歡猶在目高舉隨  
黃鵠新人輕薄兒世事如轉轂回首九疑高一葦  
湘江綠還著去時衣更就故人宿

東門行

月缺還再盈花落還再春一蹶遂顛覆悲哉得意  
人曠貴不聞道百端娛此身喧喧車馬繁粲粲亭  
館新咄嗟致珍怪蠶叢亦通津桑榆旣已晚芻狗  
旣已陳向來炙手地荆棘礙四鄰人生一世間飄  
若風中塵何如不材者得免斧與斤

送春

亦知春欲闌不謂期已及烟草路東西萋萋黯行  
色佳辰苦無多把酒若有失蒼茫落日低歷亂飛  
花急徘徊覬賞延柴門愁復入不厭子雲居來歲  
還相覲

觀蒔秧

今年淮水弱澤國始開荒預恐伏秋漲蚤插和風  
秧勞歌互相答微綠接陂塘嚶嚶候鳥鳴娟娟渚  
花香官人騎馬來檄勘涸田糧刈穫尚難料追呼  
鬱中腸灌木土穀祠青旂風飄揚日夕聞伐鼓父  
老祈降康首爵獻河伯再觴進勾芒實穎固所願  
沮洳先隄防但完公家租不敢思蓋藏爾秧努力  
長七月官修倉

喜雨

仲夏甘澤遲原野色枯槁我無負郭田倍望禾黍  
好三時屈指過農夫憂悄悄澍雨忽東來自午將  
及卯遙想綠平疇已見漲池沼庭花亦含滋森然  
出亂草頓覺懷抱開矧茲歲功早風扉進夕涼歡  
言酌清醪

苦寒懷王歙州

終風鳴不已朔氣屯江關掩閨苦凜慄故人向燕

山去日雪尤劇南客衣裳單丈夫志四方豈畏行  
路難此時歷齊魯懷古應長歎余亦擬北遊蹉跎  
戀考槃僵臥衡茅下歲月愁中闌

光福看梅贈姜奉世

洞溪漾舟入寓目多林泉梅花七十里香滿太湖

天遂欵幽人扉兼逢二仲賢

謂青藜  
長民

指點西南勝

分日窮攀緣遡溪必尋源登峯必造顛名園與梵  
刹佳處恣留連遙憶闔閭城轂擊人摩肩于茲永

朝夕欲歸不能旋

同子遠奉世宿一指窩

晨策躋絕巖暮歸息精廬餘暉靄窓戶竹木相交  
扶把酒遡遊歷溪風生坐隅塵念此時盡况乃良  
朋俱空山夜寥寂龕燈懸慧珠清夢亦同趣栩栩  
遊華胥

支硎中峯

倦客感佳辰翹首支硎路是時春向闌繁陰吐芳

理言生集 卷之一  
樹懷新行欲前延意復迴顧中峯鬱差峩松杉披  
宿霧游目萬象表俯視盡呈露吳苑雨餘青震澤  
波搖素漠漠野烟生點點輕鷗度憑衿慰所思勝  
境誰能住臨風想幽人高隱棲何處

千尺雪

寒澗捕雲屏飛泉松際落微茫樵徑引崢嶸石面  
削淙淙鳴庭除隱隱轉烟壑潺湲移我情旅病今  
勿藥風霄來遠鐘明月吐高閣愛此石上幽更向

泉邊酌

德公精舍古梅

泉石蘊靈秀霜根挺高潔不知種何年若爲開士  
設蒼柯封古苔曲幹垂屈鐵橫斜竹栢間遂覺精  
廬別我來花事闌清陰亦可悅寒香心所親徘徊  
不能發他日攜短筇獨踏空山雪

法螺菴

蒼山行已深孤筇欣有託清泉漱石根曲折抱籬

理言堂集 卷之一  
五  
落德公支遁儔於斯。結菌閣老梅。潛虬偃古檜。神  
龍躍蕭然。滌塵襟。幽懷滿寥廓。嶽嶽百年身。苦被  
樊籠縛。

### 華山寺

密林翳白日。危磴盤翠微。松濤瀉靈籟。涼風灑人  
衣。蓮峯倏在眼。遙見孤雲飛。捫蘿意先往。倚石足  
已疲。邂逅值禪客。爲我開松扉。依依導遊屐。欸欸  
訂幽期。烟霞跡重踐。去住心多違。今夕有明月。與

### 子徐徐歸

題姜勉中思嗜軒

給諫如農先生嘗植棗六  
株勉中構軒於其下

鼎湖龍不返。苦憶嬰鱗客。風雨泣羈魂。庭樹傷心  
碧。伯子葺遺構。藝植悲手澤。漠漠夏陰繁。蔭君舊  
泉石。孤忠久繫思。林園今始覲。攀條有餘芬。循徑  
無行迹。悵望敬亭雲。黯澹江天夕。  
先生葬  
宣城

### 寄祝施愚山先生

夫子金閨彥。性本餐霞人。遺榮眷泉石。歸臥陵陽

春軒冕豈所薄。濯纓厭緇塵。洛社引耆舊。高吟撰  
良辰。容成與浮丘。杖履時相親。宇內方用武。雲雷  
思經綸。誰知千載意。寄懷在松筠。

山樓遣意

無事滯吳會。徂暑復經秋。涼風搖碧樹。歸夢生山  
樓。旅食逐人歡。悠悠何所求。薄俗輕短褐。遠懷在  
滄州。采茶亦知苦。樹萱詎忘憂。湖干有釣侶。蚤晚  
謀扁舟。

天池

兩峯抱清池。怪石危欲落。西來千萬山。脉窮露斷  
齧。結構非人工。位置類疏鑿。心澄碧藻香。目眩蒼  
崖削。夕陽摩松頂。采翠紛相錯。樵歌響空林。泉聲  
墜虛壑。欲別遺恨多。延竚倚高閣。

子粲學在招遊東西洞庭未得同往

索處淹羈疾。排悶思名山。羊求賞我趣。相待白雲  
間。誰知人事乖。意往身不開。雙峯森在眼。黛色橫

湖干想君攜勝侶。憇讌臨清瀾。縹緲一帆遠。寂歷芳春殘。悵望阻良覲。歸來空掩關。水經註羣仙之所憇讌

吳門春日感興

淫霖連朝昏。湖天失明晦。陽春盛陰氣。芳蘭化蕭艾。鄙人抱微尚。心期託千載。昨夜撫朱絲。頗訝宮商改。相感非偶然。脉脉增悲慨。

愛茲桃與李。挿棘爲樊籬。叢棘日以長。損我桃李枝。腰鎌理荒穢。四顧中心悲。植桃大堤上。華實亦

離離。寧爲行人折。不受宵人欺。

臥柳棲暝烟。殘雨猶浙瀝。靜夜客心孤。空亭一燈碧。關河盡通津。去去將安適。舊雨朋好多。今雨車馬寂。金散豈復來。時往真可惜。

羝羊誤觸藩。進退俱不可。四海謀一身。所向常相左。天地方艱虞。橫空焚獵火。憂來中夜興。旅食不遑坐。兩載滯勾吳。廢放失故我。舍旃將遠游。思鼓荆門柁。



理詩生集 卷之一  
旅愁亂春心。倚杖溪邊立。深林鳩始鳴。芳草已無  
色。卓哉土室人。遠矣吳門卒。莫待落花飛。空向東  
風泣。

毘陵舟夜

聞魏伯子  
死於兵

巨艘待潮發。小艇亦相依。鱗次石梁口。不寐聽鳴  
鷄。世亂多憂患。豈惟策堅肥。窺身伏草土。高名蹈  
危機。偶效王彥方。或稱王伯齊。彌年混塵垢。獨夜  
心愴悽。

廣陵遇王濟上卽送歸秦郵兼寄同志諸子  
經年始相見。相見還別離。班荆言未終。日隱青松  
枝。饑驅少歡聚。感歎心難持。爲君進素琴。因之貽  
所思。絲桐有直性。膠漆無解時。

送黃書思之燕

薰風微雨霽。郊原無醜顏。之子策驪駟。高揖辭江  
關。金臺方選士。與貢皆琅玕。從茲振六翮。聲名滿  
長安。徒御動征鐸。中飲勸加餐。人生豈鹿豕。長聚

山林間

銷夏

虛堂餘隙地梧竹藹青葱  
喜無襍穢子聊以息微躬  
掩卷憶廬阜隱几夢樊桐  
曾城十二樓軒豁來長風  
羽衣迴雲馭弭節九井東  
涼波濯精魄靈籟激心胸  
覺來乃默存炎曦赫方中  
人間苦執熱天路誰能通  
此身任偃仰差勝謁王公  
揮汗曳華裾馳逐何匆匆

寒夜吟

展轉臥空館不似在故鄉  
破窗帶壁隙衾枕通星光  
氣寒夜寥寂鷄聲動微茫  
嗟爾失業民露處盈道旁  
就食仰餽粥婦子啼繁霜  
誰挽羲和轡夙駕躋扶桑

示兩兒

蘭本非佳羞采采幽崖下  
漉醕湛三年噉之易匹馬  
則知漸摩功可以化鄙野  
父執多高賢旣見心

應寫慎勿安其愚覲面失大雅日月不待人已春  
復有夏古來經世才誰是悠悠者

蘭本蘭根也

諸子若珠玉六籍乃稻粱珠玉信光怪無益饑人  
腸溯流先窮源舉網先振綱置身崑崙顛俯視皆  
毫芒勉旃卒其業及爾精力強毋令盛年逝垂老  
空悲傷

束髮事詩書懷古意何極飄零三十年顛毛已不  
黑哀時守沈冥望遠增悽惻尚賴經與史娛此暮

景逼聖賢憂來茲簡冊垂典則莫以探索艱求之  
當自得學成貌榮名豈必位槐棘爲山一簣始圖  
南六月息達者乃升堂汝曹各努力

### 感懷三首

丈夫非苟榮端爲斯民出否則尋黃綺巖棲種芝  
朮飛沈各因時隱顯皆自得嗟余獨何爲所向長  
戚戚已絕軒冕心猶滯棲遯迹天高不可捫綆短  
不堪汲崎嶇里巷間一日復一日

茅檐有故人高門無故人高門有故人白首常如  
新茅檐有故人往來忘主賓

遣憂理舊業讀史閉柴關往事多感觸拊髀復長  
歎陰雲匿白日荒途生暝寒利劍不在掌荆棘誰  
能刪力穡生計拙出門行路難啾啾凍死雀乃在  
紇干山不如西鄰殤物化留朱顏

元夕獨坐

開歲無好懷正月忽過半寒燈照深夜掩卷坐孤

館交衢火樹繁重城鼓聲滿愁逢新少年嬾尋舊  
酒伴春風江上來消息天涯斷

寄所知

倦客思故交倦羽思故巢世人不可語哀絃向誰  
操春陰錯昏日庭樹風蕭騷沉憂鬱懷抱起伏如  
波濤舉足礙行潦開筇無緼袍屢空頗晏如此際  
難囂囂引領望所思何當顧蓬蒿

題雲堂圖

幽幽松徑深。謾謾雲濤響。愛此堂中人。月照襟期  
朗。廣陵一相見。湖波送雙槳。憶聽白田鶯。浩然吾  
將往。

贈陸懸圃

前歲爲拙稿作序未及奉  
答今來廣陵賦此謝之

長嘯望東海。荻岸連菰蒲。美人水一方。欲往從飛  
鳧。音問或經歲。豈惟相見疎。疇昔託雙鯉。貽我大  
秦珠。夜光妍陋質。頓覺無鹽殊。藏以琉璃匣。繫以  
合歡襦。厚意久不報。搔首空躊躇。

未遂河渚游。乃爲饑凍逼。憔悴寄江城。踽踽誰相  
識。里耳尚謳吟。泛愛沾物色。廣筵逐衆賓。懷抱轉  
悽惻。此意惟君知。高論揮雄筆。默誦對寒燈。驚風  
破窗入。

吾慕魯連子。蹈海垂聲名。君家海西岸。不入海西  
城。著述傳疑信。窮愁歷冬春。別來雙鬢皤。頃者黃  
河清。何當曳藜杖。慰此離索情。晨興倚庭樹。檐鵲  
向我鳴。呼兒掃蓬徑。果然來故人。

造適不及笑。攜手城南樓。暮天涼雨霽。雲物橫高秋。壯往思擊楫。素逝或乘流。胡乃久居此。鬱鬱不自由。君來豁胸臆。沉痾霍然瘳。風江無定波。義馭無停輟。且復傾濁酒。與爾散離愁。

寒晚同艾山先生武徵雲卿重過左巖齋中  
落日鳴霜風惆悵將別去一笑手重攜與君復相遇張燈倒綠樽密坐忘寒沍不厭百遍過相看髮垂素久要屬貧交崎嶇感世路起舞影婆娑月上

城東樹

喜晴

密雪閉深巷。愁陰凝荒齋。愴怳抱冬心。濁酒澆不開。擁衾成遠夢。乃向天之涯。夢迴憶所歷。春禽鳴喈喈。晨光墮懸乳。生風吹寒灰。氣候變昏旦。人事寧長乖。披衣就盥櫛。先訊南庭梅。

贈李子鶴

行國日踽踽。磊落思豪英。浮村向我語。勿謂今無

人三湘有奇士邂逅東臯城指麾風霆走顧盼烟  
山春亦知有吾子躑躅荒江濱聞之氣激昂良覲  
歎無因何意枉歸轍衝寒訊柴荆把臂託末契高  
言慰沉淪方期沾濁酒與君話平生如何又分袂  
使我搖心旌

發揚子

十載臥柴荆饑驅復行役一葉溯中流春江千里  
碧風景昔猶今懷抱今殊昔老親齒髮衰定省晨  
昏隔侵星出里門紛然百憂積寒角隱江城烟帆  
投水驛鄉樹漸看無今宵便爲客

針魚嘴阻風

磯束大江怒勢挾春風顛驚濤沒更起因復相迴  
旋小艇無根株歛蕩帆檣偏西岸見樵舍咫尺不  
得前風伯故無賴陽侯方擅權我有轆轤劍豈畏  
蛟龍纏所嗟賦命薄觸處多迤邐江天倏已暝黯  
黯生荒烟乘風破巨浪慷慨懷往賢

理言堂集 卷之一  
五  
急雨打孤篷。坐臥無乾處。雷從烈山來。轂轉梁山  
去。頽岸走饑黿。寒鷗嘯高樹。村荒行侶稀。沙曲江  
船聚。濕雲午不開。濤聲夜東注。客路方阻修。從茲  
飽憂懼。

岑山贈嶼隱上人

孤嶼截寒流。溪聲抱香閣。登危送春日。烟林紛沃  
若。陰嶺瀉清泉。陽崖吐丹萼。雲嵐時往來。禪客無  
住著。層軒蔭石村。晏坐觀寥廓。願謝塵中緣。與君

尋寂樂。勞生多拘牽。未暝返山郭。翻似趙州僧。垂  
老猶行脚。石村樹名

雨宿慈光寺

連雨宿精廬。徙倚得佳境。長廊面天都。烟嵐變俄  
頃。幽尋約未踐。目擊心已領。坦步向松門。禪燈耿  
雲影。淙淙飛瀑喧。彌覺空山靜。

山風颯然至。鈴鐸中夜鳴。披衣就明月。雨洗高天  
清。危峯削寒玉。倒影垂空庭。婁神立難久。懷仙心



未寧。如聞有鸞鶴縹緲來青冥。

由桃花源至白龍潭

松栝氣陰森。崖洞勢迴互。蘿徑闐無人。冥濛隱烟霧。欲窮澗水源。漸遠香林路。澄潭蟄修鱗。泱泱泉交注。夏桂香始繁。碧石粲可數。勝地惜榛蕪。虛亭久延竚。濡墨志所經。重來恐迷誤。

溫泉

陰火伏丹砂。陽巖吐靈液。澄泓絕壁下。遙待烟霞客。我來訪容成。憇此朝還夕。英英佳氣浮。落落珠光射。飲之心神清。浴已毛髮澤。披衣立空亭。溪月松間碧。緬懷繡嶺泉。羅綺汗水石。託體共巖阿。得失殊喧寂。

山樓雨望

雲起白龍潭。指顧山容變。奇峯忽層疊。青林遞隱見。冥冥送急雨。漫漫入深院。高枕聽未休。閒軒倚將遍。向夕來佳思。千崖垂匹練。

由小心坡至文殊院

齋心招曠侶。窈窕入靈境。石將倚復欹。松如推若引。夾壁漏天光。絕壑排雲影。盤空一線通。僮僕遙相警。臂引學猿猱。腹行類蛇蚓。屢憇得危橋。漸喜招提近。崖合徑忽窮。窅然蹈深井。仰窺穿石隙。吾身乃修綆。復出井之睂。始造玉屏頂。濤湧夕陽浮。風厚春衣冷。亭亭青蓮花。勢與天都並。更欲躋嶙峋。峯西路猶永。

